

UGOVOR
O KUPOVINI DIJELOVA TAKTIČKE UNIFORME I TAKTIČKIH ČIZAMA

I UGOVORNE STRANE:

1. MUP KANTONA SARAJEVO, ulica La Benevolencija broj 16, koga zastupa ministar unutrašnjih poslova Kantona Sarajevo, Vedran Mulabdić (u daljem tekstu Kupac)

2. „KM TRADE“ d.o.o Visoko, ulica Čaršijska bb, koga zastupa direktor Nihad Mašić (u daljem tekstu Prodavac)

II PREDMET UGOVORA

Član 1.

Predmet ovog Ugovora je nabavka dijelova taktičke uniforme LOT 1 - (pantalone, borbena majica, košulja, jakna, flis, šešir i ruksaci) i LOT 2 – (taktičke čizme), putem otvorenog postupka javne nabavke, a na osnovu Odluke o pokretanju postupka broj: 01-246/16 od 10.05.2016. godine, za potrebe Uprave policije Ministarstva unutrašnjih poslova Kantona Sarajevo. Obavještenje o nabavci je objavljeno u Službenom Glasniku BiH, broj Obavještenja: 1364-1-1-54-3-46/16 od 13.05.2016. godine. Ispravka obavještenja je broj: 1364-1-1-54-8-52/16 od 26.05.2016. godine. Odluka o izboru najpovoljnijeg ponuđača za nabavku roba je broj: 01-246-2/16 od 28.06.2016. godine. Ponuda Prodavca broj: 30(05)/2016-1 od 30.05.2016. godine sastavni je dio ovog Ugovora.

III CIJENE I NAČIN PLAĆANJA

Član 2.

LOT 1 – taktička uniforma

Redni broj	Opis roba	Količina/komad	Jedinična cijena po stavci bez PDV-a/KM	Ukupna cijena po stavci bez PDV-a/KM
1.	Taktičke pantalone black multicam	120	220,00	26.400,00
2.	Taktička majica black multicam	120	199,00	23.880,00
3.	Taktička košulja black multicam	120	220,00	26.400,00
4.	Jakna taktička sa flisom	120	390,00	46.800,00
5.	Šešir black multicam	120	55,00	6.600,00
6.	Taktički ruksak black multicam	120	350,00	42.000,00

UKUPNA VRIJEDNOST BEZ PDV-a – 172.080,00 KM

PDV - 29.253,60 KM

UKUPNA VRIJEDNOST SA PDV-om - 201.333,60 KM

LOT 2 – taktičke čizme

Redni broj	Opis roba	Količina/ komad	Jedinična cijena po stavci bez PDV-a/KM	Ukupna cijena po stavci bez PDV-a/KM
1.	Taktičke čizme HAIX P6	120 pari	340.00	40.800,00

UKUPNA VRIJEDNOST BEZ PDV-a – 40.800,00 KM

PDV - 6.936,00 KM

UKUPNA VRIJEDNOST SA PDV-om - 47.736,00 KM

UKUPNO ZA LOT 1 + LOT 2 sa PDV-om – 249.069,60 KM

U ukupnu vrijednost ponude uračunata je isporuka Fco MUP KS, Magacin Rakovica.

Plaćanje je avansno 70% nakon potpisivanja ugovora, a 30 % prije isporuke robe.

Dobavljač je u smislu osiguranja izvršenja obaveza po ovom ugovoru obavezan Kupcu dostaviti sljedeće безусловne originalne bankarske garancije:

- garanciju za uredno izvršenje ugovora / dobro izvršenje posla u iznosu 10% ukupne vrijednosti Ugovora, sa rokom važnosti garancije: rok isporuke + 30 dana.

Ponudač će garanciju iz prethodnog stava dostaviti u roku od 10 dana od dana zaključivanja ovog Ugovora/obostranog potpisivanja ovog Ugovora.

IV ROK ISPORUKE I GARANTNI ROK

Član 3.

Rok isporuke je 120 dana od dana zaključenja ugovora i dostave veličinskih brojeva za ovu robu.

Član 4.

Prodavac se obavezuje da će isporučena roba u pogledu sirovinskog sastava i kroja-izgleda, kvaliteta i boje u potpunosti odgovarati uzorku dostavljenom uz Ponudu.

Kvantitativni prijem robe iz ovog Ugovora Kupac će kontrolisati prilikom prijema robe.

Ukoliko kvantitet ne odgovara naručenom, Kupac neće primiti robu.

Reklamacije na kvalitet Kupac može uložiti pismenim putem u roku od 8 dana prijema robe.

Prodavac se obavezuje da će reklamaciju na kvalitet riješiti u roku od 3 dana.

Garantni rok na ovu robu je 12 mjeseci od datuma isporuke uz uslov pridržavanja uputstva proizvođača za skladištenje. Garancijom nisu pokrivena mehanička ili oštećenja nastala nepravilnim ili zlonamjernim korištenjem proizvoda.

V UGOVORNA KAZNA, ZATEZNA KAMATA

U slučaju kašnjenja u isporuci robe Kupac će zaračunati i naplatiti Prodavcu na ime ugovorene kazne iznos od 1% ukupne vrijednosti robe čija isporuka kasni za svaki puni dan zakašnjenja počev od prvog dana docnje do maksimalnih 5% ukupne vrijednosti / cijene Ugovora.

Na zakašnjenja plaćanja Prodavac će zaračunavati Kupcu zatezne kamate prema primjenjivom/pozitivnom propisu.

VI TRAJANJE UGOVORA

Član 5.

Ovaj Ugovor stupa na snagu danom potpisivanja ovlaštenih predstavnika objiju ugovornih strana i zaključuje se do konačne realizacije ugovorenog posla.

VII PRELAZNE I ZAVRŠNE ODREDBE

Član 6.

Ugovorne strane su saglasne da će se sve izmjene i dopune osnovnog ugovora regulisati aneksima ugovora.

Član 7.

Za sve sporove koji nastanu u vezi ovog Ugovora nadležan je Sud u Sarajevu.


Član 8.

Ovaj Ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.



Datum: 7.6.6

Broj: 27.07.2016



Datum: 26-07-2016

Broj: 01-246-3/16